



BOSNA I HERCEGOVI NA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK



Tel: 032 650 022 [www.opcina-tesanj.ba](http://www.opcina-tesanj.ba)  
032 650 547 E-mail: [optesanj@bih.net.ba](mailto:optesanj@bih.net.ba)  
Fax: 032 650 220 [fuad.sisic@opcina-tesanj.ba](mailto:fuad.sisic@opcina-tesanj.ba)

Trg Alije Izetbegovića 11, 74260  
Tešanj

Broj: 03-05-5-879 /12.

Datum: 16.03.2012.godine

## OPĆINSKO VIJEĆE

### INFORMACIJA

#### o radu i funkcionisanju organa mjesnih zajednica u 2011 godini

Informacija o radu i funkcionisanju organa mjesnih zajednica u 2011.godini, rađena je na osnovu izvještaja, redovnih audita, svakodnevnih kontaktima sa predstavnicima, pojedinačno održanim sastancima sa rukovodstvima mjesnih zajednica kao i povremenom prisustvu sastancima od strane referenta za rad sa mjesnim zajednicama.

#### 1. Organizacija mjesne samouprave - pravni okvir u radu mjesnih zajednica

Rad mjesne samouprave u Federaciji Bosne i Hercegovine uređen je Zakonom o principima lokalne samouprave u Federaciji Bosne i Hercegovine (Službene novine FBiH 49/06), Statutom Općine Tešanj (Službeni glasnik Općine Tešanj broj 11/07), i drugim pojedinačnim aktima Općine Tešanj.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Statutom Općine Tešanj (Službeni glasnik Općine Tešanj broj 11/07), uređen je način formiranja mjesnih zajednica, organi mjesnih zajednica, konstituisanje organa mjesnih zajednica, i druga pitanja značajna za rad i funkcioniranje mjesne zajednice.

U provedenoj redovnoj proceduri od strane mjesnih zajednica usklađeni su statuti u svim mjesnim zajednicama do kraja 2011. godine, izuzev u MZ Jelah. Usklađivanje je završeno i u MZ Jelah tokom februara.

#### 2. Finansiranje mjesnih zajednica

Način finansiranja rada mjesnih zajednica za općinu Tešanj dodatno je regulisan Odlukom o načinu i kriterijima raspodjele sredstava za finansiranje rada organa mjesnih zajednica ("Službeni glasnik"6/07), izmjenama i dopunama Odluke o načinu i kriterijima raspodjele sredstava za finansiranje rada organa mjesnih zajednica ("Službeni glasnik"3/11) izmjenama i dopunama odluke i Odlukom Općinskog vijeća o preusmjeravanju dijela sredstava kapitalnih ulaganja br:01-02-1-576/08 od 28.02.2008.godine.

Ove dvije odluke nastoje dodatno urediti način finansiranja mjesnih zajednica, nametnuti sistem planskog i programskog pristupa u radu i omogućiti mjesnim zajednicama veću podršku u pripremi i realizaciji određenih projekata.

Važno je istaknuti da je većina mjesnih zajednica oslonjena na finansiranje iz budžeta općine i vlastito učešće građana, a da je mali broj mjesnih zajednica koje imaju mogućnost drugih izvora finansiranja. Ovom prilikom ističemo da jedan broj mjesnih zajednica ima sigurne izvore finansiranja kroz izdavanje prostora u zakup, i druge izvore finansiranja, te su u prednosti nad sredinama koje nemaju dodatne prihode.

Prihodi, rashodi kao i stanje računa na 31.12.2011.godine je dati su u tabelarnom prikazu na kraju informacije.

### **3. Nadzor nad radom mjesnih zajednica**

---

Nadzor nad zakonitošću rada organa mjesne zajednice obavlja Općinski načelnik neposredno i preko općinskih službi za upravu. Općinski načelnik je svojim Rješenjem o imenovanju odgovornih lica za zakonitost rada mjesni zajednica broj: 02-49-2-3996/10 od 01.11.2010. godine prenio ovlasti na pomoćnika Općinskog načelnika u Službi za društvene djelatnosti, komunalne poslove i ekologiju i pomoćnika Općinskog načelnika u Službi za finansije, privredu i inspekcije.

#### **3.1. Nadzor nad redovnim radom**

---

U cilju efektivnije kontrole i efikasnijeg vršenja nadzora nad radom mjesnih zajednica, a na osnovu Rješenja Općinskog načelnika, upućen je dopis od 09.12.2010. godine nadležne općinske Službe za rad sa mjesnim zajednicama, da su obavezne pored mjesečnog dostavljanja zapisnika sa sastanaka da obavezno dostavljaju i sve odluke, ugovore, zaključke i druga pravna akta do desetog u mjesecu za protekli mjesec, kako bi općinska nadležna Služba za rad sa mjesnim zajednicama provjerila zakonitost rada. To naravno ne umanjuje ličnu i kolektivnu odgovornost organa i nosioca funkcija u mjesnim zajednicama, ali omogućuje pravovremenu reakciju. Tokom godine uočene su određene mogućnosti za poboljšanje rada i prema mogućnosti reagovano

1. Tokom godine održano je 199 sastanaka Savjeta i 33 sastanaka Skupština mjesnih zajednica. Utvrđena mjera - obaveza prisustva koordinatora za rad sa mjesnim zajednicama na bar jednom sastanku Savjeta ili Skupštine, u prvih šest mjeseci 2012. godine u svakoj mjesnoj zajednici.
2. Analizirano je ukupnu 792 donesene Odluke, Zaključka i sl. od strane mjesnih zajednica, i to najveći broj iz mjesne zajednice Jelah sa 112 i Šije sa 113 donesenih odluka,
3. Provjerena su 137 potpisana Ugovora ili Sporazuma, koje su MZ potpisivale sa trećim licima za obavljanje poslova za potrebe mjesnih zajednica,
4. Data je pomoć mjesnim zajednicama koje su istu tražile a za pripremu i potpisivanje Ugovora sa fizičkim licima za učešće u gradnji ili korištenje vodovoda (2900).
5. Uočeno je nekoliko Odluka koje su bile u koliziji sa Zakonom ili štetne po donosioce, te se pravovremeno djelovalo prema mjesnim zajednicama i uočeni nedostaci su otklonjeni,
6. Tokom godine izvršeno je više promjena predsjednika Savjeta i Skupštine MZ što na vlastiti zahtjev, a što po Odlukama Općinskog vijeća o uvođenju povjereništva i to u mjesnim zajednicama **Ljetinić, Dobropolje Mekiš - povjereništvo i Tešanjska, Jevadžije i Tešanj - na lični zahtjev** i nekoliko sekretara MZ. Pripremljen je novi Plan Edukacije sekretara i predsjednika Savjeta za 2012-tu godinu.
7. Usvojeni su Poslovnici o radu Savjeta i Skupština u svim mjesnim zajednicama. Upućen dopis mjesnim zajednicama u kojem je ponovo precizirana obaveza redovnog slanja informacija, kao i preporuka za primjenu i dopunu Poslovnika u cilju efikasnijeg nadzora nad finansijskim transakcijama.
8. Za pet mjesnih zajednica primijećena je neredovnost u izvještavanju (DŽ. Planje, Kraševo, Vukovo, Tešanjska i Ljetinić) te je reagovano prema mjesnim zajednicama podsjećajući na obavezu tačnog i pravovremenog izvještavanja,
9. MZ Jelah nije usvojila Statut koji je usklađen sa Statutom Općine Tešanj. Predložena obustava uplata sredstava za MZ Jelah do usvajanja Statuta MZ, koja nije primijenjena, jer je MZ u februaru 2012 usvojila Statut.

#### **3.2. Nadzor nad finansijskim transakcijama mjesnih zajednica**

---

U cilju efikasnijeg vršenja nadzora nad radom mjesnih zajednica, a na osnovu Rješenja Općinskog načelnika, upućen je dopis od 09.12.2010. godine općinske Službe za finansije, privredu i inspekcije, da su mjesne zajednice obavezne da dostavljaju izvještaj o svim novčanim transakcijama do desetog u mjesecu za protekli mjesec, kako bi se provjerila zakonitost finansijskog poslovanja. To naravno ne umanjuje ličnu i kolektivnu odgovornost organa i nosioca funkcija. Izvršena je šestomjesečna i godišnja analiza izvještaja te poduzimane mjere shodno nalazima iz izvještaja:

- a) Tražene dopune izvještaja, i upozoreno na identifikovane nedostatke
- b) Ustanovljena pronevjera sredstava u MZ Kraševo, od strane sekretara MZ
- c) U određenim slučajevima izvršena privremena obustava do otklanjanja nedostataka

- d) Krajem godine Općina je raspisala tender za angažovanje knjigovodstvenog servisa za sve mjesne zajednice a u cilje efikasnijeg nadzora nad finansijskim transakcijama.

### 3.3. Provedeni auditi

Urađen je audit za nekoliko mjesnih zajednica a koje na svom području imaju mjesni vodovod.

Na osnovu utvrđenog Plana audita budžetskih korisnika od 18.10.2011. godine Komisija za provođenje audita izvršila je audit u ukupno 3 budžetska korisnika koji u svom sastavu imaju lokalne vodovode. Audit je izvršen u skladu sa Planom audita u periodu od 18.10. do 20.10.2011. godine.

U toku audita izvršena je kontrola upravljanja vodovodom, pravni osnov, nadzor i kontrola kvaliteta vode i finansijsko poslovanje vodovoda, a potom poduzete sljedeće mjere:

1. Obustava sredstava u slučaju neredovnog izvještavanja ili povreda zakonitosti u radu, predstavlja efikasan mehanizam za otklanjanje nedostataka,
2. Primjenom usvojenih akata Statuta, poslovnika o radu savjeta i skupština sa pravilima odlučivanja, trošenja sredstava i slično, povećana je ozbiljnost u radu i donošenju odluka,
3. Sve oporezive isplate fizičkim licima koje se vrše bez plaćanja obaveza, ubuduće vršiti žiralno, po odgovarajućim ugovorima i sa izmirenjem obaveza po osnovu doprinosa i poreza (ukupno 22% sredstava na neto isplate),
4. Pokrenuta je aktivnost na definisanju jedinstvenog statusa mjesnih vodovoda i organizovanje njihovog rada na zakonitim osnovama (legalizacija istih), uz angažovanje pravnog tima Općine<sup>1</sup>,
5. Prilikom realizacije kapitalnih projekata za koje se formiraju građevinski odbori otvarati podračune namjenskih sredstava u okviru MZ-a, te da se prikupljanje i utrošak sredstava evidentira i realizuje kroz posebnu evidenciju u MZ,
6. Prilikom preuzimanja pojedinih dužnosti obavezna izrada zapisnika o primopredaji i
7. Tehnička lica u okviru budžetskih korisnika treba da obezbijede potpisivanje (odobravanje) svih dokumenata od strane ovlaštenih lica,
8. Krajem godine Općina je raspisala tender za angažovanje knjigovodstvenog servisa za sve mjesne zajednice a u cilje efikasnijeg nadzora nad finansijskim transakcijama.

## 4. Aktivnosti organa mjesnih zajednica

### 4.1. Rad organa MZ

Rad predsjednika i članova organa mjesnih zajednica je na volonterskoj osnovi, samo jedan broj mjesnih zajednica isplaćuje nadoknade za prisustovanje sastancima i radu odbora, i ova aktivnost se dovodi u zakonske okvire tako što se prilikom osplata vrše obračuni poreza i doprinosa.

Ukupan broj članova organa mjesnih zajednica je 515, od čega su 155 članovi savjeta, a 360 članovi skupština mjesnih zajednica. Mjesne zajednice u svom radu imaju, razne odbore i komisije koje pomažu u realizaciji planiranih aktivnosti, većinom kroz volonterski rad. Što govori o velikom broju građana koji učestvuju u realizaciji planiranih projekata na području općine.

#### *Broj sastanaka organa mjesnih zajednica*

<i>Redni broj</i>	<i>Održano sastanaka Savjeta</i>	<i>Održano sastanaka Skupštine</i>
<b>1.</b>	<b>199</b>	<b>33</b>

*Pojedinačni pregled sastanaka po mjesnim zajednicama, nalazi se u tabelarnom prikazu na kraju informacije.*

### 4.2. Realizacija projekata

Pomoć u realizaciji projekata koje je općina vodila u mjesnim zajednicama pružile su mjesne zajednice i njihovi organi, brojnih aktivisti u građevinskim odborima i građani unutar mjesnih zajednica. Na zahtjev Općinskog načelnika mjesne zajednice su bile dužne da za realizaciju projekta na području mjesne

<sup>1</sup> U Mišljenju o primjeni propisa Ministarstva za poljoprivredu, šumarstvo i vodoprivredu od 08.12.2009. godine navedeno je da vlasnici mjesnog vodovoda (fizička lica) isti **moгу prenijeti na upravljanje samo javnim komunalnim preduzećima.**

zajednice predlože kontakt osobu, čiji je zadatak da sarađuje sa menadžerom projekta iz općine na realizaciji projekta. Ova praksa se pokazala ispravnom.

Doprinos mjesnih zajednica se ogleda kroz kandidovanje projekata, pripremu tehničke dokumentacije, prikupljanje potrebnih saglasnosti za dobivanje odobrenja za gradnju, prikupljanje vlastitog učešća građana za realizaciju projekata, rješavanje imovinsko-pravnih odnosa sa fizičkim licima i sl.

Ovom prilikom želimo istaknuti rad većine izabраниh predstavnike mjesnih zajednica zaduženih za realizaciju projekata, što je olakšalo rad kako mjesnim zajednicama tako i menadžerima projekata. Zbog neriješenih imovinsko pravnih odnosa dolazilo je do kašnjenja u izdavanju odobrenja za gradnju i usporavanja realizacije projekata.

Značajni problemi sa kojima se susreću organi mjesnih zajednica kod pokretanja i realizacije aktivnosti je i zakonska nemogućnost obavezivanja svih građana da u skladu sa svojim finansijskim mogućnostima učestvuju u izgradnji infrastrukture i drugih projekata koji su od zajedničkog interesa.

#### **4.3. Rad sekretara mjesnih zajednica**

Dosadašnji rad sekretara se većim dijelom svodio na izdavanje Uvjerenja o zajedničkom domaćinstvu-kućni lista, a manje za konkretne aktivnosti iz nadležnosti organa mjesnih zajednica. Prepoznavajući ovaj problem, a i poštujući zakonsku normu od 01.01.2011. godine ove poslove je preuzela općinska administracija. I na taj način dato je više vremena da tehnički sekretari u utvrđeno radno vrijeme, rade poslove koji su im povjereni od strane organa mjesne zajednice. Status sekretara u MZ Tešanj, Jelah, Šije, a od marta 2011 i Raduša je riješen kroz uposlenje na puno radno vrijeme, izuzev što sekretar MZ Vukovo zaposlen na četiri sata, dok ostale mjesne sredine zbog obima poslova i nedostatka sredstava, angažuju osobe po potrebi s utvrđenim radnim vremenom, kako bi zadovoljili osnovne potrebe građana. Po urađenom auditu budžetskih korisnika data je preporuka da se sve oporezive isplate fizičkim licima koje se vrše bez plaćanja obaveza, ubuduće vršiti žiralno, po odgovarajućim ugovorima i sa izmirenjem obaveza po osnovu doprinosa i poreza (ukupno 22% sredstava na neto isplate). Možemo konstatovati da je većina mjesnih zajednica ispoštovala ovu preporuku dok su ostale u pripremi primjene navedene preporuke. Preporučenim načinom isplata nadoknada svim fizičkim licima putem žiroračuna uz obavezno izmirenje obaveza po osnovu doprinosa i poreza, ne samo da ćemo ispoštovati zakon već će se postići i transparentnost trošenja sredstava.

### **5. Pojedinačni pregled MZ-a**

---

#### **5.1. Bobare-Drinčići-Blaževci**

Usvojeni normativni akti su usklađeni sa aktima Općine Tešanj. Na području MZ imaju dva doma, jedan u naseljenom mjestu Bobare drugi u Drinčićima. Prizemlje doma u Bobarama izdato u zakup a dio dom u Drinčićima je dat za potrebe smještaja laktofriza Udruženju poljoprivrednika tešanjско-usorskog kraja. Objekat društvenog doma u Drinčićima je u postupku legalizacije, a na objektu društvenog doma u Bobarama potrebno je sanirati krov. MZ je pokrivena sa 3.000 m javne rasvjete i sa dva mjerna mjesta. Osnovni problem u radu organima ove mjesne zajednice predstavlja visok dug za realizaciju projekata u ranijem periodu.

#### **5.2. Bukva**

Usvojeni normativni akti su usklađeni sa aktima Općine Tešanj. Površina društvenog doma je 329 m<sup>2</sup>, od čega se za potrebe MZ koristi 191 m<sup>2</sup> a preostali prostor je izdat pod zakup. Objekat je u relativno dobrom stanju, ali postoji potreba da se izvrši zamjena stolarije, postavljanje glazura i vanjsko uređenje. U izvještajnom periodu završeni radovi na izgradnji Šehidskog spomen obilježja te organizovano otvorenje istog. MZ je pokrivena sa 800 m javne rasvjete i sa jednim mjernim mjestom.

#### **5.3. Dobropolje-Mekiš**

Usvojeni normativni akti su usklađeni sa aktima Općine Tešanj. Glavna aktivnost organa MZ se svodi na realizaciju projekta vodosnabdijevanje cijelog područja MZ. Zbog stalnih problema u radu početkom godine Općinsko vijeće je Odlukom u mjesnu zajednicu uvelo povjereništvo koje je rezultiralo formiranjem novog saziva Savjeta i Skupštine. Površina društvenog doma od 120 m<sup>2</sup>, od kojih se 20 m<sup>2</sup>, koristi za potrebe mjesne zajednice, a preostali prostor povremeno se koristi za potrebe omladine. Objekat u Dobropolju nema Odobrenje za gradnju, vode se aktivnosti na legalizaciji i pribavljanju Odobrenja za gradnju. Objektu društvenog doma u Mekišu potrebno je hitno sanirati krov, stolariju i uraditi sanitarni čvor. Nema izgrađene ulične rasvjete, već je samo urađena rasvjeta u G. Dobropolju sa mjernog mjesta MZ Tešanj.

#### **5.4. Džemilić Planje**

Usvojeni normativni akti su usklađeni sa aktima Općine Tešanj. Društveni dom je površine 350 m<sup>2</sup>, i u njemu je smještena kancelarija mjesne zajednice. Objektu je potrebno sanirati krov, stolariju i fasadu. Na području ove mjesne sredine nema izgrađene javne rasvjete. Putem KP"RAD" Tešanj, obuhvaćeno je 30% domaćinstava, odvozom smeća a vode se aktivnosti na proširenju obuhvata MZ sa odvozom smeća.

#### **5.5. Jablanica**

Usvojeni normativni akti su usklađeni sa aktima Općine Tešanj. Bitno je naglasiti da je u izvještajnom periodu mjesna zajednica završila proces vraćanja duga iz ranijeg perioda. MZ ima manji objekat u kojem je smještena kancelarija, prostorija za sastanke i jedna kancelarija za rad NVO-a. Na području ove mjesne sredine nema izgrađene javne rasvjete. Prioritet u narednom periodu se odnosi na rješavanje problema vodosnabdijevanja cijelog prostora MZ. Organizovanim prikupljanjem i odvozom kućnog smeća je obuhvaćeno 150 domaćinstava.

#### **5.6. Jelah**

Jedina MZ koja do kraja 2011. godine nije bila uskladila Statut MZ sa statutom općine. Poduzet je niz aktivnosti koje imaju krajnji cilj usklađivanje Statuta MZ sa Statutom Općine. Aktivnosti koje su vođene rezultirale su usvajanjem usklađenog Statuta MZ od strane Skupštine MZ početkom marta 2012. Uočena nekolicina odluka koje su u koliziji sa zakonitošću, a odnose se na upravljanje kanalizacijom. U Objektu doma smještena je kancelarija MZ-e i NVO "UGOR" Jelah koji je u lošem stanju, objekat zvani "Čitaonica" u Jelahu nalazi se u ruševnom stanju, Objekat "Čitaonica" u Potočanima koristi omladinska organizacija iz Potočana i u dobrom je stanju, Objekat zvani "Dobojputevi" prizemlje izdat je u zakup MUP-u Ze-DO kantona. Na području MZ-e je izgrađeno cca. 17.000 m javne rasvjete, sa pet mjernih mjesta. KP "RAD" Tešanj vrši odvoz smeća sa cijelog područja MZ-a, izuzev naselja Cerovac i Potočani.

#### **5.7. Jevadžije**

Usvojeni normativni akti su usklađeni sa aktima Općine Tešanj. Mjesna zajednica ima Društveni dom u kojem je smještena kancelarija MZ-e, istom je potrebno sanirati krov. Na području ove mjesne sredine nema izgrađene javne rasvjete. Putem KP "RAD" se vrši prikupljanje i odvoz kućnog smeća. Odvozom smeća je obuhvaćeno 60% domaćinstava.

#### **5.8. Kalošević**

Usvojeni normativni akti su usklađeni sa aktima Općine Tešanj. Izvršen audit upravljanja vodovodom te dostavljene instrukcije za otklanjanje nedostataka. Ukupna površina doma je 250 m<sup>2</sup> novi objekat je površine 110 m<sup>2</sup> i koristi se za potrebe mjesne zajednice. U toku je realizacija projekta instalacije isturenog Općinskog odjeljenja (šalter sala). MZ je pokrivena sa 3.600 m javne rasvjete i sa dva mjerna mjesta. Područje MZ je obuhvaćeno prikupljanje i odvozom kućnog smeća putem KP"RAD" Tešanj, sa PVC vrećama, koje se odvozi dva puta mjesečno.

#### **5.9. Karadaglije**

Usvojeni normativni akti su usklađeni sa aktima Općine Tešanj. MZ nema izgrađenog društvenog doma, a kancelarija smještena u objektu stare ambulante koji je u lošem stanju. MZ je pokrivena sa 2.000 m javne rasvjete. Vršiti se organizovano prikupljanjem i odvoz smeća u PVC vrećama, putem KP "RAD" Tešanj. Osnovni problem u radu organima ove mjesne zajednice predstavlja izuzetno visok dug za realizaciju projekata iz ranijeg perioda.

#### **5.10. Kraševo**

Poslije niza aktivnosti Skupština mjesne zajednice je usvojila Statut MZ koji je usklađen sa Statutom Općine Tešanj, te poslovnik o radu Savjeta i Skupštine. Površina društvenog doma od 200 m<sup>2</sup> se koristi za potrebe MZ-e, a preostali prostor površine od 250 m<sup>2</sup> koristi škola bez nadoknade. Objekat je potrebno sanirati u dijelu krova i stolarije. Nema izgrađene ulične rasvjete već je samo urađena rasvjeta na sportskom poligonu. Tokom godine otkrivena je pronevjera sredstava od strane sekretara mjesne zajednice te je po tom osnovu provedeno niz aktivnosti u koje su bile uključene gotovo sve općinske službe, podignuta je krivična prijava protiv lica osumnjičenog za pronevjeru. Održano je više sastanaka na kojima su dogovorene aktivnosti za normalizaciju stanja u MZ.

#### **5.11. Ljetinić**

Usvojeni normativni akti su usklađeni sa aktima Općine Tešanj. Prostor doma površine od 24 m<sup>2</sup> koristi se za potrebe MZ, preostali prostor površine 272 m<sup>2</sup> je izdat u zakup. Objekat doma potrebno je sanirati, kroz sanaciju krova, stolarije i fasade. Na području MZ ima izgrađen 3.100 m javne rasvjete sa tri mjerna mjesta. Tokom godine rješavan je problem u odnosima MZ Ljetinić d.o.o. „Rosa“ a vezano za upravljanje vodovodom. Općinsko vijeće je svojom Odlukom smijenilo organe MZ i uvelo povjereništvo. Postupak uvođenja u rad novih organa MZ je završen tek početkom marta 2012. godine, tako da od 13. marta rade legalni organi MZ Ljetinić.

#### **5.12. Medakovo**

Usvojeni normativni akti su usklađeni sa aktima Općine Tešanj. MZ ima društveni dom u kojem je smještena kancelarija MZ-e u 120 m<sup>2</sup> a preostali prostor od 600 m<sup>2</sup> je izdat pod zakup. Objekat društvenog doma je u dobrom stanju dok je objekat koji se je koristio kao prodavnica doo "Vemal" Tešanj u lošem stanju i predmet je rješavanja pravnog spora. Na području ove mjesne sredine nema izgrađene javne rasvjete. Težišna aktivnost organa mjesne zajednice je usmjerena na realizaciju projekta vodosnabdijevanja.

#### **5.13. Miljanovci-Lončari**

Usvojeni normativni akti su usklađeni sa aktima Općine Tešanj. MZ ima dva društvena doma. U jednom je smještena kancelarija MZ-e i ambulanta. Drugi društveni dom se nalazi na Palučku i bio je u lošem stanju, tokom godine poduzete su aktivnosti za dovođenje ovog objekta u upotrebljivo stanje. Dom u kojem je smještena kancelarija MZ-e i ambulanta je u zadovoljavajućem stanju, jedino postoji potreba za sanacijom krova. Za ovaj objekat je izgubljen spor sa Vemalom oko vlasništva. Vodovod „Pousorje“ stavljen u upotrebu, vršene aktivnosti na povećanju kapaciteta izvorišta. Problem predstavlja učestalo širenje dezinformacija stanovništva, od strane neodgovornih pojedinaca, a koje sa odnose na učešće građana u realizaciju ovog projekta.

#### **5.14. Mrkotić**

Usvojeni normativni akti su usklađeni sa aktima Općine Tešanj. Izvršen audit upravljanja vodovodom te dostavljene instrukcije za otklanjanje nedostataka. Ukupna površina doma je 170 m<sup>2</sup>, a novi objekat je površine 56 m<sup>2</sup> i koristi se za potrebe mjesne zajednice. Na području ove mjesne sredine nema izgrađene javne rasvjete. Manji dio (cca. 50) domaćinstava MZ je obuhvaćen odvozom kućnog smeća putem KP"RAD" Tešanj, a koje se odvozi dva puta mjesečno.

#### **5.15. Novi Miljanovci**

Usvojeni normativni akti su usklađeni sa aktima Općine Tešanj. Dio Omladinskog dom u kojem je smještena kancelarija MZ-e i ambulanta je u zadovoljavajućem stanju, drugi dio je u lošem stanju i postoji potreba za sanacijom. Da bi se Dom sanirao potrebna su velika sredstva koje MZ-a nema. Za objekat u kojem je bila smještena prodavnica doo "Vemal" Tešanj vodi se Upravni spor oko vlasništva. Vodovod „Pousorje“ stavljen u upotrebu, vršene aktivnosti na povećanju kapaciteta izvorišta. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda. Problem takođe predstavlja i učestalo širenje dezinformacija stanovništva, od strane neodgovornih pojedinaca, a koje sa odnose na učešće građana u realizaciju ovog projekta.

#### **5.16. Novo Selo**

Usvojeni normativni akti su usklađeni sa aktima Općine Tešanj. Ukupna površina doma je 130 m<sup>2</sup>, od čega je 100 m<sup>2</sup> izdato pod zakup, ostatak prostora od 30 m<sup>2</sup> koristi mjesna zajednica. MZ je pokrivena sa 2.500 m javne rasvjete i sa dva mjerna mjesta. Veći dio područja MZ je obuhvaćen je odvozom kućnog smeća putem KP"RAD" Tešanj.

### **5.17. Orašje Planje**

Usvojeni normativni akti su usklađeni sa aktima Općine Tešanj. Površina društvenog doma je 200 m<sup>2</sup>, od čega se za potrebe MZ koristi sprat, a prostor u prizemlju je izdat pod zakup. Objekat je relativno u dobrom stanju ali postoji potreba da se izvrši sanacijom dijela krova. Na području ove mjesne sredine nema izgrađene javne rasvjete. Težišna aktivnost organa mjesne zajednice je usmjerena na realizaciju projekta vodosnabdijevanja - završna faza. Osnovni problem u radu organima ove mjesne zajednice predstavlja izuzetno visok dug za realizaciju projekata iz ranijeg perioda.

### **5.18. Piljužići**

Usvojeni normativni akti su usklađeni sa aktima Općine Tešanj. Površina društvenog doma je 200 m<sup>2</sup>, prizemlje društvenog doma je izdato u zakup, a na spratu je smještena ambulanta i kancelarija mjesne zajednice. Urađen je projekat sanacije dijela prizemlja u kojem bi bila smještena kancelarija mjesne zajednice i sala za sastanke. Dio Omladinskog doma u kojem je smještena kancelarija MZ-e i ambulanta je u zadovoljavajućem stanju, drugi dio je u lošem stanju i postoji potreba za sanacijom. Vodovod „Pousorje“ stavljen u upotrebu, vršene aktivnosti na povećanju kapaciteta izvorišta.

### **5.19. Raduša**

Usvojeni normativni akti su usklađeni sa aktima Općine Tešanj. Na prostoru MZ egzistira vodovod „Bukovac“ kojim upravlja Udruženje građana, upućen dopis za legalizaciju istog. Na području MZ upravlja sa dva objekta i to Društveni dom koji je nedovršen i objekat zvani „Sušara“ koji je u lošem stanju. Ukupna površina Društvenog doma je 324 m<sup>2</sup> od čega je 117 m<sup>2</sup> izdato pod zakup uz mjesečnu nadoknadu od 160 KM, ostatak prostora koristi mjesna zajednica. Problem predstavlja spor sa Vemalom oko polaganja prava na imovinu. Na području MZ-e je izgrađeno cca 6.150 m javne rasvjeta sa tri mjerna mjesta. Veći dio područja MZ je obuhvaćen prikupljanjem i odvozom kućnog smeća putem KP"RAD" Tešanj. Vode se aktivnosti kako bi cijelo područje ove mjesne zajednice bilo obuhvaćeno sistemom odvodnje otpadnih voda.

### **5.20. Rosulje**

Usvojeni normativni akti su usklađeni sa aktima Općine Tešanj. Mjesna zajednica ima Društveni dom u kojem je na spratu smještena kancelarija MZ-e a prizemlje objekta je izdato pod zakup. Objekat Društvenog doma je u dobrom stanju. Mjesna zajednica je pokrivena sa 500 m. javne rasvjeta i sa jednim mjernim mjestom.

### **5.21. Šije**

Usvojeni normativni akti su usklađeni sa aktima Općine Tešanj. Ova mjesna sredina ima izgrađen Društveni dom koji je površine 280 m<sup>2</sup>. Na spratu doma smještena je kancelarija MZ, sala za sastanke i telefonska centrala, a prizemlje društvenog doma se koristi za potrebe rada kulturno-umjetničkog društva, omladinske aktivnosti i rad nevladinih organizacija. Osnovni problem u radu MZ predstavlja upravljanje vodovodom, izvršen je audit upravljanja vodovodom, tokom godine po ovom pitanju održano više sastanaka u cilju rješavanja problema, te su dostavljene instrukcije za otklanjanje nedostataka. MZ je sudskim putem dobila sporove po pitanju naplate potrošnje vode, ali još postoje problemi postupanja po sudskim presudama. MZ Šije nije dobila podršku policije kod prinudnog isključenja vodovoda zbog neplaćenih računa i provedbe sudskih presuda, iako je općina putem Općinskog javnog pravobranioca podnosila zahtjev. U toku su aktivnosti na gradnji sistema za odvodnju otpadnih i oborinskih voda.

### **5.22. Tešanj**

Usvojeni normativni akti su usklađeni sa aktima Općine Tešanj. Na području MZ imaju dva objekta u jednom je smještena kancelarija MZ-a, a objekat u Tugavićima koriste mještani Tugavića za održavanje sastanaka, iako je u lošem stanju. Oba objekta koje ima MZ potrebno je renovirati. Na području MZ-e je izgrađeno cca 19.000 m javne rasvjete, sa dvanaest mjernih mjesta.

### **5.23. Tešanjka**

Usvojeni normativni akti su usklađeni sa aktima Općine Tešanj. U naseljenom mjestu Lepenica postoji društveni dom koji je u dobrom stanju, drugi dom na Tešanjci je isto u dobrom stanju. Postoji potreba za završetkom izgradnje objekta u kojem je smještena kancelarija mjesne zajednice i ured Općine Tešanj. Na području MZ-e je izgrađeno 15.000 m javne rasvjeta sa četiri mjerna mjesta. Tokom godine na osnovu ličnog zahtjeva izvršena zamjena Predsjednika savjeta i skupštine.

#### **5.24. Trepče**

Usvojeni normativni akti su usklađeni sa aktima Općine Tešanj. Ukupna površina doma je 550 m<sup>2</sup>, od čega je izdato u zakupu 300 m<sup>2</sup>, a preostali prostor koristi MZ za svoje potrebe. Glavna aktivnost organa MZ se svodi na realizaciju kapitalnog projekta „Vodovod“. Na području ove mjesne sredine nema izgrađene javne rasvjete. Jedan manji broj od 90 domaćinstava je obuhvaćen prikupljanjem i odvozom kućnog smeća putem KP"RAD" Tešanj u PVC vrećama, koje se odvoze dva puta mjesečno.

#### **5.25. Vukovo**

Usvojeni normativni akti su usklađeni sa aktima Općine Tešanj. U društvenom domu smještena je kancelarija mjesne zajednice, potrebna sanacija prizemlja doma. MZ je pokrivena sa 2.640 m javne rasvjeta i sa dva mjerna mjesta. Putem KP "RAD" obuhvaćena su domaćinstava sa odvozom smeća.

#### **OBRADIVAČ:**

Služba društvene djelatnosti,  
komunalne poslove i ekologiju

---

Suad Huskić, prof.

#### **PREDLAGAČ:**

Općinski načelnik

---

Fuad Šišić,dipl.ing.maš.

Broj: 03-05-5-879/12.

Datum:16.03.2012.godine



Informacija o radu MZ-ca u 2011. godini

PREGLED ODRŽANIH SASTANAKA I OSNOVNI PRIKAZ FINANSIJSKOG POSLOVANJA						
Mjesna zajednica	Sastanci Savjeta	Sastanci Skupštine	Prihodi	Rashodi	Stanje	Napomena
Bobare-Drinčići-Blaževci	6	2	22.940 KM	14.795 KM	8.145 KM	
Bukva	9	1	25.318 KM	21.242 KM	4.075 KM	
Dobropolje-Mekiš	16	2	17.542 KM	14.830 KM	2.712 KM	
Dobropolje-Mekiš podračun	-	-	33.805 KM	27.277 KM	6.527 KM	
Dž.Planje	5	1	33.302 KM	18.458 KM	14.844 KM	
Jablanica	8	1	37.050 KM	32.371 KM	4.679 KM	
Jelah	9	5	127.208 KM	121.013 KM	6.194 KM	
Jevadžije	6	1	9.450 KM	8.215 KM	1.236 KM	
Kalošević	9	2	38.150 KM	30.214 KM	7.936 KM	
Karadaglije	7	0	22.314 KM	22.302 KM	12 KM	
Kraševo	10	2	18.240 KM	2.317 KM	1 KM	Za 15.926 KM utvrđena pronevjera
Ljetinić	3	1	49.492 KM	30.604 KM	18.888 KM	
Medakovo	5	2	49.974 KM	28.815 KM	21.159 KM	
Miljanovci-Lončari	7	0	18.874 KM	18.714 KM	161 KM	
Mrkotić	8	1	15.350 KM	14.900 KM	450 KM	
Novi Miljanovci	7	1	18.293 KM	16.887 KM	1.406 KM	
Novo Selo	4	3	26.188 KM	25.112 KM	1.075 KM	
Orašje Planje	7	0	39.759 KM	38.251 KM	1.508 KM	
Piljužići	10	2	22.130 KM	18.098 KM	4.032 KM	
Raduša	10	1	24.730 KM	24.438 KM	291 KM	
Rosulje	4	2	18.462 KM	10.745 KM	7.717 KM	
Šije	15	2	114.376 KM	100.706 KM	13.670 KM	
Tešanj	7	0	19.916 KM	19.032 KM	884 KM	
Tešanjka	8	1	51.333 KM	38.068 KM	7.704 KM	
Trepče	12	1	19.710 KM	18.851 KM	859 KM	
Vukovo	7	1	24.891 KM	24.775 KM	116 KM	
UKUPNO	199	35	898.796 KM	741.031 KM	136.284 KM	

NAPOMENA: Za Ljetinić obuhvaćena sredstva od naplate vode, koja su nakon 1.1.2012. vraćena na raspolaganje građanima.